



**Inatsisartunut ilaasortaq Andreas Uldum, Demokraatit
/Maani**

**Nukissiorfiit aktiatigut ingerlatseqatigiiffinngortinnissaa pillugu - § 37 apeqqut
nr.128-imut akissuteqaat**

25-06-2014
Suliap nr. 2014-100974
Dok. nr. 1618284

Asasara Andreas Uldum

Postboks 1614
3900 Nuuk
Oqarasuaat (+299) 34 50 00
Fax (+299) 34 54 10
E-mail: apn@nanoq.gl
www.naalakkersuisut.gl

Qujanaq Nukissiorfiit aktiatigut ingerlatseqatigiiffinngortinneqarsinnaaneratt pillugu
apeqqutigisarnut.

Aallarniutigalugu erseqqissaatigerusuppara, Nukissiorfiit aktiatigut
ingerlatseqatigiiffinngortinniarnernanut suliaq sulii ingerlammat, taamaattumillu
apeqqutigisavit ilaat sulii tamakkiivissumik akissuteqarfigineqarsinnaanngillat.

§ 37-imut apeqqutinnut tunngavilersuutitigut takuneqarsinnaasutut,
pimoorussinerulernikkut iluanaarutit allannngortitsinermit takunissaat
ajornakusoorsinnaavoq.

Naalakkersuisut isumaqarput, erserissunik pitsaaquteqartoq Nukissiorfiit aktiatigut
ingerlatseqatigiiffinngortinneqaranni. Ilaatit erseqqissaatigineqarsinnaapput:

- Inuusutissarsiorpalaarnerusumik siulersuisut aamma niuernermit
tunngaveqarnerulluni ingerlatsineq.
- Nukissiorfiit A/S ilisimaneqartutut namminersortutut inatsisitigut ingerlalissaaq.
- Ingerlatseqatigiiffimmi siunissaq ungasinnerusoq isigalugu periusissanik
pilarsaarusiarsinnaanissamut periarfissagissaarnerulerneq.

Apeqqutigisatit nuutinneqarsimapput ataanilu ataasiakkaarlugit
akissuteqarfigineqassallutik.

**1. Qanoq iliorlutik Naalakkersuisut qulakkeerniarpaat, Nukissiorfiit
ingerlatseqatigiiffinngortinneqarnerannut atatillugu aningaasat
atorneqarsinnaanngortussat sanaartukkanut assigusunut atorneqarnissaat,
inuaqatigiit ingerlanneqarnerannut naliginnaasumut atornagit?**

Ilimagivara, aalajangiiffigisassatut siunnersuummi ilaatigut allaaserineqassasoq
Nukissiorfinnut taarsigassarsiaritineqartartut qanoq pissanersut aammalu
allaaserineqassaaq, Nukissiorfinni aningaasalinerit siumut sammisumik qanoq iliorluni
aningaasalersorneqartassanersut.

Aaqqiissutissat arlaqarput, soorlu Nukissiorfiit aktiatigut
ingerlatseqatigiiffinngortinneqarsinnaaneratt pillugu nassuiaammi

allaaserineqarsimasutut. Ilumoorpoq, periutsit ilaat unaasinnaasoq, Nunatta Karsia siumut sammisumik ingerlatseqatigiiffimmut aningaasanik taarsigassarsisitsisassanngitsaq.

Naalakkersuisut aningaasaqarnikkut politikkeraat, pisortat aningaasaataat akisussaassuseqartumik patajaatsumillu aqunneqartassasut. Taamaattumik Nunatta Karsianniit annertunerusunik taarsigassarsisitsinerit taamaallaat ingerlanneqartassapput, missingersuutitigut aamma inuiaqatigiit aningaasaqarnerisigut pitsaasunik iluanaarutissaqartoqarpat. Tamatumani piumasaqaataavoq, misissueqqissaarnernik ingerlatsisoqassasoq Aningaasanut Nunamullu Namminermt Naalakkersuisoqarfimmit ilitseruusiarsiarineqarsimasut atuuttut naapertorlugit.

Ilanngullugit Nunatta Karsiani aningaasartuutit Ínatsisartuni aalajangersaavigineqartassapput.

2. Nukissiorfiit ingerlatseqatigiiffingortinnerata kingorna aningaasartuutit amerleriaatissaat ataani allassimasut Naalakkersuisut qanoq iliorlutik aningaasalersorniarpaat:

a. Siulersuisuni ilaasortat akissarsiassaat

b. Tunngaviusumik pisortat ingerlatseqatigiiffianut taarsigassarsiniarnissaq akisunerusussaavoq Namminersorlutik Oqartussanut naleqqiullugu. Erniat assigiinngissutaat taanna akilerneqartussaavoq. Qanoq?

Apeqqu 2 a pillugu.

Nukissiorfiit aktiatigut ingerlatseqatigiiffingortinneqassagaluarpat, siulersuisunut aningaasartuutit ingerlatseqatigiiffimmi ingerlaavartumik ingerlatsinikkut aningaasartuutit ilagilissavaat.

Ilanngullugu pingaartuuvoq maluginiassallugu, inuussutissarsiorpalaartumik siulersuisut sunniutaasinnaassammat, Nukissiorfinnit aktiatigut ingerlatseqatigiiffingortitsineq pimoorussaanagerusumik ingerlatsinermik tunniussisinnaasut.

Apeqqu 2 b pillugu.

Ilumoorpoq, Namminersorlutik Oqartussat aktiatigut ingerlatseqatigiiffiutaat amerlanerusunik ernianik akiliisartut Namminersorlutik Oqartussat imminnut taarsigassarsisitsittarneranninngarnit.

Ullumikkut Nukissiorfiit amerlanerusunik ernianik akiliuteqartareerput Namminersorlutik Oqartussat imminnut taarsigassarsisitsittarneranninngarnit. Aningaasalersuisartunit oqaloqatigiissitugineqarnikuunngilaq erniatigut killiffik sorleq Nukissiorfiit naatsorsuutigisinnaassaneraat, kisianni tamakku ullumikkut 6 procentinit Nunatta Karsianut akiliutigineqartartunit qaffassinnerullutillu annikinnerusinnaapput. Erniat aningaasartuutit Nukissiorfinnit ingerlaavartumik ingerlatsinermi aningaasalersorneqassapput.

Ilanngullugu innersuussutugineqassaaq, aktiatigut ingerlatseqatigiiffingortitsineq pimoorussaanagerusumik ingerlatsinermik aamma piffissamut sivilunerusumut aningaasalersuineramik tunniussisinnaammat, taakkualu ajoqutaasinnaasut immaqalu allanngortitsinermittaaq aningaasartuutaanagerusinnaasut naleqatigisinnaavaat.

Naggataatigut innersuussutigissavara, inaarutaasumik Nukissiorfinnut aningaasaliissutitut aningaasalersuinissamik periuseq ilaatinneqassamat aalajangiiffigisassatut siunnersuutissami, takuuk apeqqut 1-imut akissutigat.

3. Nukissiorfiit aningaaserivinnit namminersortunit taarsigassarsippat, Landskarsimiunngitsoq, taava erniaat namminersortunut aningaasaliisunut akilernerneqartussaapput. Paarlattuanik Landskarsip erniatigut isertitassani annaassavai. Isertitassatut amingaataalersussat qanoq iliorlutik Naalakkersuisut isertinniarniarpaat?

Naalakkersuisut naatsorsuutigaat, Nukissiorfiit allangortinneqarsinnaanerisa Nunatta Karsianut sunniutaat, aalajangiiffigisassatut tunngaviup ilagiumaaraa, taannalu Inatsisartut Nukissiorfiit aktiatigut ingerlatseqatigiiffingortinneqarsinnaanerit pillugu isummerfigisussaavaat.

Nukissiorfinnut taarsigassarsisisarnerup annikillisinneqarnera akiliisinnaassuseqarnermik iperaasinnaavoq aningaasaliissutinik allanik imminut akilersinnaasunik ingerlatsisinnaanissamat atorneqarsinnaasunik. Tamakkiisumik sunniummi apeqqutaassaaq taamatut allatut qinigassaasinnaasuni aningaasalersuisinnaanissamik pilersaarutini imminut akilersinnaassuseqarneq. Apeqqut 1-imut akissutigineqartut innersuussutigineqassapputtaaq.

4. Naalakkersuisut qanoq iliorlutik qularnaarniarpaat atuisartut inuussutissarsiortullu annertunerusumik akiliisalinnginnissaat Nukissiorfiit ingerlatseqatigiiffingortinneqassagaluarpata?

Aallarniutigalugu oqaatigilara, Naalakkersuisut isumaqanngimmata, akitigut aaqjissuusseriaaseq allangortinneqassasoq Nukissiorfinnik aktiatigut ingerlatseqatigiiffingortitsinermit. Allatut oqaatigalugu Naalakkersuisut pilersaaruteqanngilaq akit pinngortarnerisa killeerutsinneqarnissaat, Nukissiorfiit allangortinneqassagaluarpata.

Taamaattumik aallaaviusoq unaavoq, akitigut aaqjissuusseriaaseq ingerlateqqinnaarneqassasoq taamaattumillu aamma atuisut sulii illersorneqassapput innaallagissamat imermullu qaffasinnerpaamik akeqartitsinikkut.

Allangortitsisinnaanermi aningaasaqarnikkut kingunerisinnaasat aalajangiiffigisassatut tunngavissap ilagissavai, taakkulu Inatsisartut Nukissiorfiit aktiatigut ingerlatseqatigiiffingortinneqarsinnaanerit pillugu isummerfigisussaavaat.

5. Nukissiorfiit ingerlatseqatigiiffingortinneqarpata naatsorsuutigisariaqarpoq Nukissiorfiit saqqummiussisussaataaernermit inatsimmiik kaanngarnissaa ilanngullugu allattugaatinik paasiniaaffigineqarsinnaajunnaassaaq. Qanoq iliorlutik Naalakkersuisut qularnaarniarpaat, innuttaasut malaarsinnaatitajuarnissaat aamma Nukissiorfiit ingerlatsinerat pillugu paasiniaasinnaanissaat?

Soorlu immikkortut allat assigalugit, naammagittaalliorsinnaanermut periarfissat aamma Nukissiorfiit ingerlatsinerinut tamat takunnissinnaanerat, aalajangiiffigisassatut tunngavissap ilagissavai, taakkulu Inatsisartut Nukissiorfiit aktiatigut ingerlatseqatigiiffinngortinneqarsinnaanerat pillugu isummerfigisussaavaat.

Neriutigaara, akissuteqaatika tamakkiisutut isigigitit. Allannortitsiniarluni sulineq suli ingerlavoq, taamaattumillu immikkoortut arlallit inaarutaasumik akissuteqarfigisinnaanerat periarfissaqanngilaq.

Inussiarnersumik inuulluaqqusillunga
Med venlig hilsen

Kim Kielsen